

Ethica Symbolica E Fabularum Umbris In Veritatis Lucem Varia Ervditione Noviter evoluta

Pexenfelder, Michael Monachii, 1675

Ethicè.

urn:nbn:de:hbz:466:1-68709

IX. (k) Quia mentio Procustis latronis in gestis Thesei injecta est, asseram, quæ Stengelius cap. 14. Labyr. disseruit. Procustes, inquit, notissimæ crudelitatis prædo, obvios quosque de insidijs exceptos, & domum abstractos, suo grabato applicabat; & si proceriores essen, amputatis pedibus decurtabant; si breviore corpusculo, sunibus alligatos, & intolerabili cruciatu affectos, nervorum detorsionibus extendebat. Talis prædo animarum est diabolus, omnes sibi cupit sacere æquales. Abundantes spoliando cruciat & tentat: egentes desiderijs extendit & torquet. Igitur divitias dat, ut auserendo essiciat impatientes: ausert, ut alliciendo, cupiditate accendat. Hæc ille. Causinus verò in Symbolis per Procustem intelligit Hæreticos SS. Scripturæ depravatores, qui nunc demunt, nunc addunt de suo, prout Spiritus fanaticus dictat.

SYMBOLVM XLI.

Formicæ in homines,
7. Metamorph,

Ethicè.

1. Formicarum respublica, & adumbratæ virtutes. 2. Homines fungino genere.

Acus Jove & Ægina, Æsopi Bæotiorum regis silia, natus, cum Æginam, Ægei maris insulam, de nomine genitricis dictam incoleret, & gravis pestilentia, irà Junonis immissa, omnem serè populum absumpsisset, ad preces ipse conversus, enixè petiit à parente deo, ut vel redderet sibi cives pestifera lue sublatos, vel sese defunctis aggregaret. Audita suisse vota, mox editô signô ostensum est. Fortè suberat precantis oculis annosa quercus, è Dodonæ surculo plantata. Per hanc arborem longo commeabant agmine sormicæ, grana gestantes ore. Miratus ingentem numerum Æacus, rogavit Jovem tantam civium copiam, quantam vidisset sormicularum repentium, ad inanitas insulæ suæ civitates explendas. Annuit Jupiter; & mox intremuit arbor, ominosúmque, ramis sine vento commotis, sonum excitavit. Cohorrescit Æacus, & terræ, stipitique sacro osculum impertit, non sine spe selicis successor. Noctu composuit ut in somnum oculos, objicitur eadem quercus dormienti, visá-

que formicarum multitudo sese latè per agros spargere. Et ecce ! qua modò terræ irrepere videbantur animalcula, subitò de humo se attolere, in truncum erigere, humanamque membris formam induere coeperunt. Vix manè evigilarat rex, cum ingens hominum murmur per regiam auditur. Dubitanti, & inter somnum ac vigiliam medio, hæsitantique quid insolitæ sibi voces vellent, concitato gradu nuntiat filius Telamon rem longè spe ac fide majorem : adesse frequentissimos cives antehac nunquam visos, qui regem salutate, & obsequia deferre cupiant. Æacus ad inexspectatum nuntium attonitus, è conclavi se proripit; conspicit hominum turbam ingentem, omnes regiæ partes occupantem. Alloquitur novos colonos, mutua admiratione defixos, & illis dividit sedes incolendas, agrósque serendos, Myrmidonásque appellat, hoc est Formicas, quales olim fuerant, quarumque frugalitatem & industriam etiam in transformata natura retinere deberent. Atque hoc eos præstitisse, ipse rex Æacus affirmavit Cephalo Atheniensium legato:

Corpora vidisti, mores quos antè gerebant, Nunc quoque habent. Parcum genus eft, patiénsque laborum,

Quæsitique tenax, & quod quæsita reservet.

Ethica.

I. (a) Antequam ad mores à formicis discendos destectamus, operæ pretium erit audire, quid de mirabili horum reptilium natura tradiderint virisapientes. Præcedat Horatius lib. 1. Sat. 1.

Parvula (nam exemplo est) magni formica laboris Ore trahit, quodcunque potest, atque addit acervo, Quem struit, haud ignara, ac non incauta futuri. Quæ, simul inversum contristat Aquarius annum, Non usquam prorepit, & illis utitur antè Quælitis patiens.

Et Maro 4. Æneid.

Ac velut ingentem formicæ farris acervum Cum populant, hiemis memores, tectoque reponunt It nigrum campis agmen, prædamque per herbas. Convectant calle angusto: pars grandia trudunt Obnixa frumenta humeris: pars agmina cogunt, Castigantque moras : opere omnis semita fervet.

(a) Mirabilis formicarum natura & industria.

Confi-

Considerat hoe insettum diligentissimè Plutarchus libro, utrum animalia plus rationis habeant terrestria, an aquatica. Nullum enim, inquit, natura maximarum, pulcherrimarumque rerum tam augustum speculum habet : quoniam hic ceu pura quadam in guttula, virtutis totius significatio clarissimè relucet. Amicitie imago est, illa inter formicas communicatio; fortitudinis simulacrum illa in ferendis laboribus alacritas; multa temperantia, multa providentia, multa justitia semina & argumenta existunt. Jam verò nota; funt omnibus, illa primum in accursu benevolentia, dum vacuæ onustis cedunt vià, aut transitum præbent : dum quæ vel gestatu, vel importatu difficiliora funt, arrosa partiuntur priùs, ac gestabile pondus, in plurimos distributum, reddunt: dum semina exponunt, siccantque sub dio, quod pluviæ signum est. Omnem veró intelligentiæ cogitationem superat illa, ne rursus in segetem exeant semina, procuratio: neque enim ut ficca , incorruptave , in antrum congesta semina maneant , contingit : sed mox humiditate loci persusa, lacteum quiddam contrahant, molle-scantque, ac verti in herbam pergant. Ut ne igitur pullulent, ac in frugem corrumpantur, alimentíque vim amittant; durent autem & efui fint, umbilicum grani, quà mitti germen solet, erodunt multò antè, castrántque.

Non minus eleganter & admirabunde Plinius de formicis lib. 11. c. 30. Jam in opere, quis labor? quæ sedulitas? & quoniam ex diverso convehunt, altera alterius ignara, certi dies ad cognitionem mutuam nundinis dantur, quæ tunc earum concursatio? quam diligens cum obvijs quædam collocutio ac percontatio? Silices itinere earum attritos videmus, & in opere semitam sactam: ne quis dubitet qualibet in re,

quid possit quantulacunque assiduitas. Hæc Plinius.

ÎI. (b) Nunc ad mythologiam, quam pulcherrimam tradit noster P. Cornelius à Lapide in Proverbia Salomonis, ex quo tametsi paulò sussore, propter sessivitatem argumenti reseremus, mutatis quibusdam & additis, virtutes, industriam, solertiam, laborem, frugalitatem,
prudentiam, sapientiam, oconomiam, & politiam formicarum, tanquam imaginis persectissimae Reipublicae, quam instituit Æacus ex Myrmidonibus, formicarum posteris.

Et quidem cap. 6. in illa verba: Vade ad formicam, ô piger, & coosidera vias ejus, & disce sapientiam. Qua cum non habeat ducem, nec praceptorem, nec principem, parat in astate cibum sibi, & congregat in messe, quod comedat. Sic commendatur vir ille doctissimus. Formica-

(b) Formicarum respublica, & virtues adumbrata.

rum providentia, solertia, diligentia multimoda est. Nam 1. formica faciendo frumentationem, providet sibi cibum in æstate, ut eodem vivat in hieme. Hinc apologus Æsopi de cicada in æstate, cantui indulgente, & hiberno tempore, esuriente. Cui illud formica: Aftate cantasti, salta in hieme. 2. Frumentum defert in sua antra, quasi in cellas & apothecas, ibíque recondit & asseruat, unde formica dicitur, quasi ferens vel forans micas, id est, perforans, ut ait Isidorus. Idem homini faciendum est, & labore iuventutis, alimenta paranda senectuti. Hinc adagium: Αγαθών μυεμικία: Bonorum myrmecia, à μύεμυζ formica; quô significatur opulentia per laborem formicinum parta. Midæ, scribit Cicero lib. 1. de Divinat, illi Phrygio, cum puer esset, dormienti formicæ in os trítici grana congesserunt; quô prædicebatur, illum fore ditissimum. Est autem uveunzia cavernula formicaria; & accipitur etiam pro gymnasio, in quo discipulorum frequentia dat operam sapientiæ, utique à formicis discendæ. 3. Formica grana incidit, & arrodit, oculos exedens seminis, ne germinent & putrescant. industriam in conservando penu. 4. Meliora grana seligit, de-terioribus relictis. Officium hoc est & cura patrisfamilias, ut attendat in emendo, non quam leve sit pretium, sed quam bona merx. 5. Præsentit serenitatem; tumque aëri exponit grana; præsentit & pluviam, & tum recondit ea. Tempestatis observatio ad res, & negotia opportune peragenda, omnibus est, observanda, qui provide gubernare volunt rem five publicam, five privatam. 6. Formica quod viribus nequit, hoc consilio & continuatione perficit; unde assiduitas eius laborandi excavat semitas, saxa, rupes. Nempe labor improbus omnia vincit. 7. Formica licet careant rege, duce, instructore, tamen velut in Democratia quadam obtemperant sibi mutud, & obsecundant; ac sine legibus justum rectumque colunt, id quod aurea Saturni ætate fecerunt homines. 8. Aversantur res fœtidas, ut origanum, sulphur, cornu adustum. Facit hoc in animis virtute præditis amor honesti & famæ bonæ. 9. Sunt ventre stricto, & in senio more avium volant assumptis alis. Homo sapientiæ studiosus ventrem stringat per temperantiam & abstinentiam; atque ad altiora transferat cogitationes & studia sua. 10. Myrmicoleon est inter formicas, quod inter apes fucus; alieno fruitur labore per rapinam ablato. Denotantur hic homines frugiperdæ, & qui nihil agunt in vita, quod vita sit dignum. 11. Formicæ dividunt onera, inque plures partiuntur. Nimirum consilià & solertia fit facile, quidquid videtur multum habere difficultatis, proverbio dicitur, multa manus onus reddunt levius. 12. Formica non rarò pranuntia mortis extiterunt. Eam pranuntiavere Cimoni Atheniensium Duci, teste Plutarcho; & Neroni, perhibente Suetonio. Causam dat Aldrovandus, quòd formica sint terra silii, an silia, & in cavernis habitent, mortuorum conditoriis. Prastantissimum philosophorum, Platonem reddidit, Meditatio mortis. 13. Formicis bilis est stimulus laboris & agilitatis. Nam juxta adagium: & formicis suabilis inest, qua excitata pugnant turmatim in hostes, aditum in antra molientes. Hoc telum, slavam bilem, homini natura dedit, quasi cotem virtutis; ad politiam pertinet arcere, qua nocere possunt. Et Sallustius scribit, sapientes pacis causa gerere bellum; & laborem sustentare spe otii. Admonet etiam proverbium hoc, neminem inimicum, quamvis pusillum contemnendum, aut temerè lacessendum.

Atque hæc pleraque in caput 6. Proverbiorum facrorum Cornelius attulit; idem in caput 30. eiusdem libri, explicans illa verba: Quatuor sunt minima terra, & ipsa sunt sapientiora sapientibus: formica, populus infirmus, qui praparat in messe cibum sibi &c. ita disserit : Hac sapientia elucet in formicis, quæ cum non habeant ducem, suo tamen quæque instinctu & motu agit, quod convenit. Apes habent monarchiam; Formicæ democratiam seu regimen populi. Est autem formicarum respublica quasi castrensis; unde urbes, quasi sub terra sibi ædificant instar castrorum, ea fodertia, proportione, mensurà, distributione, ut eas intuitus Simon Majolus Episcopus Vulturiensis, ut ipse scribit in Dieb. Canic. coll. 7. magis miratus sit, quam fabricam Neapolis, urbium pulcherrimæ. Præterea, quid mirabilius, formicæ suas urbes in tria quasi habitacula dividunt; in quorum scilicet uno vitam degunt, ac communiter comedunt; in altero alimenta fua quasi in horreo vel granario recondunt : in tertio mortuos suos sepeliunt, teste Plutarcho loc. cit. Ælianus lib. 6. de animal. c. 43. addit quartum, scilicet gynæceum, ubi seminæ pariant. Insuper formicæ turmatim incedunt, sed miro ordine, astutia, & pace; vacuæ enim onustas non spoliant : nec eis quidquam surripiunt, fed quævis ipsa sibi colligit, & quod collegit, in communem acervum comportat. Aliæ, inquit Elianus lib. 2. c. 25. ad legenda grana eunt : aliæ onus portantes redeunt, ac summo cum honore ac modestia, aliæ aliis de via decedunt. Et alibi Idem : Formicæ imprimis sedula atque operosa animalia, tanto laborandi studio tenentur, idque absque ulla excusatione & prætextu, quo uti solent ignavi, ut ne noctes quidem in suo opere ces-

fent, modò sit luna plena, nam interlunio quiescunt. Cum autem tanquam ad pabulandum proficiscuntur, natu grandiores sese junioribus duces præbent; atque ad segetes ut pervenerunt, adolescentiores sub stipula stant : duces verò ascendunt, & spicas abscillas inferioribus dejiciunt : hæ verò cas distrahunt, & suis ex glumis & vaginis grana inclusa explicant. Hæc Elianus, infignis naturæ explorator. Quid aliud defideres in Republica hominum, five spectes ædificia, quibus civitas bene ordinata constare debet : sive Ordinum eivilium discrimina, sive juventutis educationem: five vita functorum curam: five incolarum pacem, concordiam, mutuum auxilium: sive laboris sedulitatem, otii propulsionem: sive alimentorum provisionem. Quid quod formica coelestium notionem quandam habent, ac sæpe cœlum suspiciunt, præsentiúntque ventos & imbres, unde se domi continent. Quocirca Elianus lib. 1. c. 22, eas astrologiæ peritas asserit. Plinius lib. 11. tribuit eis vaticinia. Denique formica dum senescunt, & oneri succumbunt (nam tunc alas emittunt, ut homo canos capillos) è Reipublicæ administratione abeunt, & in eminentem locum, teste Alberto M. 1.8.c. 26. avolant, veluti ad cœlestia, fastidio terrenorum anhelantes. Hæc ex diversis Cornelius, & nos ex illo, ut siquis dubitet, tantorum virorum auctoritate judicium suum submittat. Strabo lib. 8. per formicas, homines intelligit terram fodientes, & agriculturam exercentes, olímque pro domibus antra habitantes. Quo mortalium genere nihil est innocentius, nihil Reipublicæ utilius. Hinc ille Phrygii fabulatoris apologus. Rusticus cum vitæ finem adesse sibi cognosceret, cuperetque filios in agrorum cultu fieri sedulos, vocavit eos ad se, & filii, inquit, ego è vita discedo ; quidquid comparsi, id totum vobis in vinea quærendum relinquo. Illi post patris obitum latere thesaurum in vinea rati, arreptis ligonibus, folum omne diligenter effodiunt. Thefaurum quidem non invenere, vinea ramen improbo labore & fudore culta copiosos fructus produxit, illosque divites effecit. Tantum potest assiduus more formicarum labor; quæ, quod Arrius scribit in Quæstion. de Tuscia, veterem urbem, ad Volfiensem lacum, Contenebram nomine, per cuniculos deleverunt; unde locus ille vulgo Castrum formicarum, nominatus. Adeo nihil formicis ad pacis & belli deest artis; & potuerunt meritò Myrmidones non tantum nomine, sed etiam posteritate & politia formicarum gloriari. Ubi etiam disce, quod Ovidius monet:

---- Que non possunt singula, plura nocent.

Tiberio

Tiberio Cæsari in deliciis erat draco, quem de more, manu ipse sua enutriebat, hune cum à formicis consumptum accepisset, oraculo monitus est: Vim multitudinis caveret. Suet. c. 27.

II. (b) Pro additamento huius fabulæ formicas in homines transformantis, disce, quanti intensit, è sormicis, an è sungis ortum habere; nam etiam ex his enatos esse homines. Ovidius docet 7. Metam. qui de Corintho mentionem faciens canit:

---- hîc veteres ævo mortalia primo

Corpora vulgarunt, pluvialibus edita fungis.

Ait pluvialibus, quia fungi procreantur è pluvia. Facete Plautus in Trinum de Charmide quodam sycophanta, qui causiam, petasumve latiorem in capite gestabat: Pol, bie quidem fungino est genere, capite setotum tegit, Videas non raro genus hoc hominum è fungis prodeuntium, qui tori quanti, stupidi sunt, bardi, blenni, plumbei, corpus sine pectore, pistillo retusiores; quibus cerebrum est glacie concretum, verissimi fungi, qui vix in herbis, plantisque nomen merentur, ignavum pecus fucis, & latam inglorij trahentes alvum. Miseram familiam, miseriorem civitatatem, ubi magnus fungini germinis proventus est; suà corrumpunt, destruunt, perdunt ignavia, quidquid laboriosæ formicæ congesserunt.
Pluviales merito vocat Naso sungos; nuspiam enim copiosius crescunt hinc orti homines, quam inter cyathos. Non inscite Plautus ait, tales toto capite tegi; nam tali ex tecto quid nisi umbra proijcitur, & offusæ rationi tenebræ? Hinc Ethica monet, ur, quibus in locis luxuriar fungorum progenies, manus adhibeatur ad farriendum, exherbandum, runcandum, vellendum, elidendum. In mentem venit, quod Joannes Chokier in thesauro Polit. lib. 5. c. 19. refert, se Lutetiæ non sine

risu vidisse, desidiosa, & valida mendicabula, instar asinorum plaustris juncta ad evehendas urbis sordes. Sie decrescunt sungi, crescunt

formica.



Ff 2

SYM.

(b) Homines fungino general